

1855. um, hvort reglur þær, er boðnar eru í brjefi stjórnarráðsins 14.  
 18. októbr. júlí f. á., um að skrifa á dönsku í þeim málum sem send eru frá Íslandi til stjórnarráðanna, nái einnig til ágreinings þess, er komið getur á milli einstakra hreppa um framfærslu sveitarómaga er borið er undir úrskurð stjórnarinnar, eða hvort að það sje ekki nóg, að sýslumaður skýri á dönsku frá málavöxtum, í stað þess að snúa á dönsku öllum fylgiskjölunum, sem eru á íslenzku og send eru til stjórnarinnar.

Þessu til svars vil jeg ekki undan fella, til vitundar og auglýsingar fyrir sýslumanni Arnesen, að skýra yður frá, að eins og regla sú, sem fyrir er skipuð í áminnstu stjórnarbrjefi, að embættismenn, „þegar þeir senda eitthvert mál til stjórnarráðanna, og þess þarf við að senda með þeim álitsskjöl, sem skrifuð eru á íslenzku, skuli þeir og senda staðfesta útleggingu á þeim“, er öldungis almenn, og nær þannig einnig til þeirra mála, er snerta ómagaframfærslu, svo virðist stjórninni því síður ástæða til að skilja þetta undan, þegar þess konar mál eru send til úrskurðar stjórnarráðsins, sem mál þessi, eptir því sem reynslan hefur sýnt, eru mjög fá.

19. októbr. **45. Brjef innanríkisstjórnarinnar til amtmannsins í norður og austurumdæminu um nýja brjefberaferð milli Reykjavíkur og Akureyrar.**

Eptir að stjórnin 4. desember f. á. hafði beðið um álit herra amtm. um það, hvort ekki mætti svo auka brjefberaferðir milli Reykjavíkur og Akureyrar, að brjefberinn færi einnig í maímánuði frá Akureyri til Reykjavíkur, er gæti farið þangað með brjef til að senda með brjefaduggunni, er siglir aptur frá Íslandi í maímánuði, og tekið aptur með sjer þau brjef, er um sama leyti voru komin frá Danmörku, og um það, hvort ekki mætti koma þessari ráðstöfun á með þeim fjárefnum, sem fyrir hendi eru, hafið þjer í þóknanlegu brjefi 10. júlí næstliðinn mælt með, að ráðstöfun þessi, er þjer ætlið að gjörð verði með

þeim fjárefnum, sem í ríkisfjárlögnum eru lögð til brjefaburðar á Íslandi, komist á hið fyrsta orðið getur, og hafid þjer um leið 1855. 19. októbr. getið þess, að brjefberinn, eptir því sem til hagar í hjeraði, ætti að fara af Akureyri 20. apríl, og að það mætti ekki draga þangað til í maímánuði.

Samkvæmt þessu vildi jeg þjónustusamlega biðja herra atmt. að gjöra svo vel og sjá um, að brjefberi fari framvegis á vori hverju frá Akureyri til Reykjavíkur og norður aptur, og að þessi ráðstöfun komist á, ef verður, vorið 1856, og er yður auk þess falið á hendur að úkveða nákvæmar, nær brjefberinn skuli hefja ferð sína frá Akureyri, og er þess að gæta, að brjefberinn dvelji ekki lengur í Reykjavík, en hann þarf í áður nefndum tilgangi, að fara með brjef til að senda með brjefaskipinu og sækja þau er komin eru með brjefaskipinu, er hjeðan fer 17. apríl<sup>1</sup>.

**46. Brjef kirkju- og kennslustjórnarinnar til stiptamt- 13. desemb.  
mannsins og byskupsins á Íslandi um kennslu á  
forspjallsvísindum<sup>2</sup>.**

Herra stiptamtmaðurinn og þjer, háæruverðugi herra byskup, hafid, með þóknanlegu brjefi 27. september þ. á., sent hingað bónarbrjef frá H. Árnasyni kennara við prestaskólann í Reykjavík, og getur hann þess þar fyrst, að burtfararprófið í sálarfræði og hugsunarfræði í þessum skóla hafi 2 seinustu árin gengið svo stórilla, að einungis 1 af 6, er tóku prófið, náði einkunninni „vel“, en hinir fengu ekki nema „sæmilega“ og „laklega“, og ætlar hann að tilefni þessa sje það, að það hefur engi áhrif á aðaleinkunnina í burtfararprófinu, hværnig manni gengur í þessum vísindagreinum, og síðan stingur hann upp á því, að annaðhvort verði sálarfræði og hugsunarfræði gjörðar að vísindagreinum til undirbúnings, er hver sá, er á prestaskólann gengur, þarf að

1) Þetta brjef er s. d. sent í eptirriti til stiptamtmanns.

2) sbr. brjef kirkju og kennslustjórnarinnar 23. marz 1854.